

URED ZA REVIZIJU INSTITUCIJA BiH  
URED ZA REVIZIJU INSTITUCIJA U FBiH  
GLAVNA SLUŽBA ZA REVIZIJU JAVNOG SEKTORA RS  
URED ZA REVIZIJU JAVNE UPRAVE  
I INSTITUCIJA U BDBIH

**STRATEŠKI OKVIR RAZVOJA**

**2013. - 2020.**

**Sarajevo**



# **KOORDINACIJSKI ODBOR VRHOVNIH INSTITUCIJA ZA REVIZIJU**

Na temelju članka 46. stavak (4) Zakona o reviziji institucija BiH ('Službeni glasnik BiH', broj 12/06), na 71. sjednici Koordinacijskog odbora, donijeta je slijedeća

## **ODLUKA**

I

Usvaja se Strateški okvir razvoja za 2013/2020. godinu.

II

Ova Odluka stupa na snagu danom donošenja.

Broj: 06-50-1-3-2/14

**PREDSJEDATELJ KO  
Milenko Šego, v.r.**



## **SADRŽAJ**

<b>Uvod .....</b>	<b>07</b>
<b>1 Vizija, misija i vrijednosti .....</b>	<b>09</b>
<b>2 Strateški pravci razvoja .....</b>	<b>13</b>
<b>3 Opis strateških pravaca razvoja .....</b>	<b>15</b>
<b>4 Naredni koraci .....</b>	<b>21</b>
<b>5 Monitoring i evaluacija .....</b>	<b>25</b>
<b>6 Završna napomena .....</b>	<b>27</b>



## **Uvod**

*Strateški okvir razvoja*, kao dokument koji je usvojen posredstvom Koordinacijskog odbora VRI, predstavlja dokument Ureda za reviziju institucija BiH, Ureda za reviziju institucija u Federaciji BiH, Glavne službe za reviziju javnog sektora Republike Srpske i Ureda za reviziju javne uprave i institucija u Brčko distriktu BiH, putem kojeg će se usmjeriti razvoj vrhovnih revizijskih institucija u Bosni i Hercegovini u skladu sa priznatim ISSAI okvirom i najboljim praksama u Europskoj uniji.

Vrijednosti, ujednačeni pristupi i prioriteti u ovom procesu će stvoriti najbolje preduvjete za suočavanje s izazovima i osiguranje dodane vrijednosti javnom upravljanju i građanima Bosne i Hercegovine.

Strateški okvir razvoja obuhvata razdoblje 2013.-2020. godine, uvažavajući potrebe razvoja svih vrhovnih revizijskih institucija u Bosni i Hercegovini u skladu sa postojećim zakonima.

Strateški pravci sadržani u Strateškom okviru razvoja temelje se na dodijeljenom mandatu i zakonskim rješenjima, evaluaciji potreba pojedinačnih vrhovnih revizijskih institucija u BiH, preporukama ekspertnog tima SIGMA-e iz izvješća o kolegijalnom pregledu vrhovnih revizijskih institucija u BiH (Peer Review) iz 2012. godine, kao i na međunarodnim profesionalnim zahtjevima baziranim na načelima iz deklaracija i zaključaka usvojenih na kongresima Međunarodne organizacije vrhovnih institucija za reviziju (INCOSAI).

## **1 Vizija, misija i vrijednosti**

**Vizija** budućeg razvoja vrhovnih revizijskih institucija u BiH temeljena je na dosljednom provođenju revizije u skladu sa ISSAI okvirom revizije. Usmjerena je ka stvaranju dodane vrijednosti u javnom sektoru u BiH, kroz poticanje efikasne i efektivne uporabe javnih resursa, te stalnom unaprjeđenju sustava transparentnog finansijskog upravljanja i povećanju javne odgovornosti za upravljanje javnim sredstvima.

Vrhovne revizijske institucije u BiH žele biti prepoznatljive kao liderske revizijske institucije javnog sektora u okruženju i regionu, te kao vrhovni revizijski autoriteti i promotori prepoznatljive revizijske prakse.

**Misija** vrhovnih revizijskih institucija u BiH je da provode revizije (financijska revizija, revizija učinka i revizija usklađenosti) i da putem pravodobnih i kvalitetnih izvješća o reviziji, permanentno izvještavaju zakonodavne organe i organe izvršne vlasti, druge mjerodavne institucije i tijela i javnost uopće, o načinu upravljanja javnim sredstvima, odnosno o tome upravlja li se javnim sredstvima na regularan, ekonomičan, efikasan i efektivan način.

## **Vrijednosti koje trebaju utjecati i voditi nas u radu:**

- *Profesionalnost* – vladanje profesijom (stručnost, stav), poštovanje, sposobnost prosudbe, objektivnost, želja za kontinuiranom edukacijom, razmjena informacija;
- *Transparentnost rada* – sve što vrhovne revizijske institucije rade se javno prezentira i dostupno je svim zainteresiranim stranama;
- *Poštenje i samoodrživost* – etički temelj, nitko nije u mogućnosti podmititi, korumpirati ili prijetiti našem osobljju;
- *Integritet i neovisnost* – spremnost zalaganja za temeljne ideje vrhovnih revizijskih institucija, da njihovi profesionalni nalazi i rezultati budu istiniti;
- *Orijentiranost ka rezultatima i efikasnost* – uvijek se fokusirati na rezultate, vrijednost za uloženi novac i demonstrirati sposobnost dugoročnog istražavanja.



## **2           Strateški pravci razvoja**

Strateški pravci razvoja za razdoblje 2013.-2020. godine su:

- *Jačanje povjerenja javnosti*
- *Institucionalni razvoj*
- *Profesionalni razvoj osoblja*
- *Profesionalna suradnja*
- *Uloga na međunarodnoj razini*
- *Osiguranje utjecaja revizije*



### **3 Opis strateških pravaca razvoja**

#### ***Jačanje povjerenja javnosti***

- Intenziviranje aktivnosti na što boljem pozicioniranju vrhovnih revizijskih institucija u BiH u javnosti posebno sa aspekta njihovih uloga, mjerodavnosti i aktivnosti koje provode;
- Promoviranje ekonomičnosti, efikasnosti, efektivnosti i etičnosti javnog upravljanja kroz finansijske revizije, revizije usklađenosti, revizije učinka i specijalne revizije;
- Demonstrirati postizanje najviših standarda u vlastitom radu i učinku u cilju održavanja vlastite kredibilnosti.

### ***Institucionalni razvoj***

- Jačanje neovisnosti revizije javnog sektora u skladu sa principima Limske i Meksičke deklaracije i odredaba Rezolucije UN A/66/209;
- Razvoj i jačanje institucionalnih kapaciteta sa uspostavljanjem funkcionalnih i fleksibilnih unutarnjih organizacija u svim vrhovnim revizijskim institucijama u BiH;
- Usvajanje koncepta ukupnog upravljanja kvalitetom, implementacija funkcije za osiguranje kvaliteta kao i kontrola kvaliteta u novim procesima revizije.

***Profesionalni razvoj osoblja***

- Kontinuirani pristup sustavu profesionalne edukacije revizora (interna i eksterna);
- Suradnja koja se ogleda u timskom radu, otvorenosti i poštovanju po kojima se vrhovne revizijske institucije prepoznaju;
- Certifikacija revizora.

### ***Profesionalna suradnja***

- Razmjena profesionalnih iskustava i težnja ka osiguranju konzistentne kvalitete revizije;
- Ažuriranje postojećih i donošenje novih dokumenata;
- Usklađivanje metodologije revizije i provođenje revizije u skladu sa priznatim ISSAI okvirom i međunarodnim standardima;
- Unaprjeđenje i razvijanje suradnje koja će doprinijeti kvalitetu rada pojedinca, revizijskog tima i vrhovnih revizijskih institucija;
- Suradnja sa srediošnjom harmonizacijskom jedinicom i internom revizijom;
- Unaprjeđenje saradnje sa akademskom zajednicom i udruženjima revizora (za eksternu i internu reviziju) u BiH.

### ***Uloga na međunarodnoj razini***

- Vizibilitet i predstavljanje u međunarodnim strukovnim tijelima i organizacijama u skladu sa postojećim zakonskim rješenjima;
- Sudjelovanje na simpozijima i kongresima od međunarodnog značaja u cilju promoviranja dostignuća i prakse vrhovnih revizijskih institucija u BiH;
- Sudjelovanje na seminarima, studijska putovanja i drugi vidovi pristupa dobrim međunarodnim praksama i razmjeni iskustava.

***Osiguravanje utjecaja revizije***

- Jačanje neovisnosti vrhovnih revizijskih institucija u BiH u skladu sa ISSAI okvirom;
- Unaprijeđenje i razvijanje novih modaliteta suradnje s parlamentima s ciljem jačanja uloge i značaja revizije u društvu;
- Komunikacija sa medijima.

## **4 Naredni koraci**

Kako bi se održao status vrhovnih revizijskih institucija koje uspješno i kvalitetno funkcioniraju, svaka vrhovna revizijska institucija u BiH pojedinačno, u ovisnosti od procjene vlastitih potreba i uz kreiranje vlastitih dokumenata, definirati će svoje naredne korake. Pri kreiranju vlastitih dokumenata vrhovne revizijske institucije će imati u vidu:

- Ulogu i mandat koji vrhovne revizijske institucije u BiH imaju u društvu;
- Suradnju sa institucijama, medijima i javnošću;
- Promoviranje visokih standarda, transparentnosti, odgovornosti i integriteta u finansijskom upravljanju i učinku javne uprave;

Ispunjavanje mandata revizije na balansiran, stabilan i dugoročan način sa ciljem da ih zainteresirane strane promatraju kao neovisan, objektivan i pouzdan izvor informacija;

- Implementacija ISSAI okvira;
- Promoviranje mehanizama za rješavanje neprimjerenosti u trošenju javnog novca, prijevarama i korupciji u skladu sa ISSAI;
- Blagovremeno pružanje revizijskih usluga/izvješća visoke kvalitete – koje zainteresiranim stranama osiguravaju dodanu vrijednost;
- Intenziviranje aktivnosti na uspostavljanju i primjeni razvijenih pisanih procedura potrebnih za postupanje zainteresiranih strana (subjekata revizije, vlade i parlamenta) prema nalazima i preporukama revizije;
- Primjenjivanje suvremenog pristupa upravljanju ukupnom kvalitetom radi osiguravanja kvalitete revizije i stvaranje organizacije koja je otvorena za pozitivne pomake – kontinuirano stremi ka unaprjeđenju i efikasnoj uporabi resursa.

Vizija, misija i vrijednosti bi svaku od vrhovnih revizijskih institucija u BiH trebale da usmjeravaju ka ovim ciljevima odnosno pravcima razvoja. Pored toga, trebalo bi ispoštovati i braniti ova načela pred svim zainteresiranim stranama u bilo koje vrijeme.



## **5 Monitoring i evaluacija**

Kroz realizaciju godišnjih programa i planova i uspostavljene mehanizme, svaka od vrhovnih revizijskih institucija u BiH će pratiti rezultate i napredak za razdoblje trajanja vlastite strategije razvoja. Za finalizaciju postavljenih ciljeva uspostaviti će alate za monitoring uključujući prikupljanje podataka o ukupnom napretku u ostvarivanju razvojnih ciljeva svake vrhovne revizijske institucije u BiH.

Ovakav proces se treba uspostaviti na način da bude formaliziran kao konzistentan višegodišnji proces.

Sve aktivnosti monitoringa i evaluacije, a koje će podrazumijevati srednjoročne evaluacije, finalne evaluacije i evaluacije ostvarenih ciljeva uključivati će i koordinaciju i suradnju između svih vrhovnih revizijskih institucija u BiH.



## **6           Završna napomena**

Strateški okvir razvoja za razdoblje 2013.-2020. godine poslužit će kao svojevrsni temelj za prepoznavanje razvojnih potreba.

Informacije o napretku u konkretnim oblastima razmjenjivat će se u smislu da se iskustava pojedinačnih vrhovnih revizijskih institucija u BiH iskoriste za detaljno razrađivanje vlastitih strategija razvoja u kojima će se detaljnije obrazložiti razvojne potrebe.

**Ured za reviziju institucija BiH  
Hamdije Čemerlića 2/XIII,  
71 000 Sarajevo**

Tel.: +387 (0) 33 703 573  
Fax.: +387 (0) 33 703 565  
e-mail: [saibih@revizija.gov.ba](mailto:saibih@revizija.gov.ba)  
web: [www.revizija.gov.ba](http://www.revizija.gov.ba)

**Ured za reviziju institucija u FBiH  
Ložionička 3,  
71 000 Sarajevo**

Tel.: +387 (0) 33 723 550  
Fax.: +387 (0) 33 716 400  
e-mail: [vrifbih@vrifbih.ba](mailto:vrifbih@vrifbih.ba)  
web: [www.vrifbih.ba](http://www.vrifbih.ba)

**Glavna služba za reviziju javnog sektora RS  
Vuka Karadžića 4,  
78 000 Banja Luka**

Tel.: +387 (0) 51 247 408  
Fax.: +387 (0) 51 247 497  
e-mail: [revizija@gsr-rs.org](mailto:revizija@gsr-rs.org)  
web: [www.gsr-rs.org](http://www.gsr-rs.org)

**Ured za reviziju javne uprave i institucija u BDBIH  
Islahijet bb  
76 100 Brčko**

Tel.: +387 (0) 218 220  
Fax.: +387 (0) 218 438  
e-mail: [dzevida.hodzic@revizija.skupstinaabd.ba](mailto:dzevida.hodzic@revizija.skupstinaabd.ba)  
web: --